

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### BIDE AZPIEGITUREN ETA MUGIKORTASUNAREN SAILA

**Foru Gobernu Kontseiluaren 39/2019 Foru Dekretua, abuztuaren 2koa. Onestea Bide Azpiegituren eta Mugikortasunaren Sailaren egitura organikoa eta funtzionala onetsi zuen Diputatu Kontseiluaren otsailaren 9ko 15/2016 Foru Dekretuaren aldaketa**

Diputatu Nagusiak uztailaren 5eko 324/2019 Foru Dekretuaren bidez Arabako Foru Aldundiaren sailak zehaztu ditu 2019-2023 legealdirako, eta ezarri du Bide Azpiegituren eta Mugikortasunaren Sailaren eginkizunak eta eskumenak honako hauek direla, besteak beste: errepideen plangintza, proiektuak, zaintza eta ustiapena; desjabetzeak; mugikortasuna eta garraioak.

Diputatuen Kontseiluaren otsailaren 9ko 15/2016 Foru Dekretuak, Bide Azpiegituren eta Mugikortasunaren Sailaren egitura organikoa onartzen duenak, xedatzen duenaren arabera, orain arte Bide Azpiegituretarako eta Mugikortasunerako Zuzendaritzak eduki du aurreko idatz zatian aipatzen diren arloetako jarduerak kudeatzeko eta betearazteko ardura.

Kudeaketa eraginkorragoa izan dadin, erabaki da legealdi honetan bi zuzendaritzaren artean banatuko direla kudeaketa lanak: bata errepideen plangintzaren, proiektuen, zaintzaren eta ustiapenaren inguruko lanak eta desjabetzeen ingurukoak egingo ditu; besteak mugikortasunaren eta garraioen arloetako lanak egingo ditu. Banaketa hau abenduaren 18ko 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, 8.2 artikuluan xedatzen duenaren itzalpean egin da, horren arabera Diputatuen Kontseiluak baitauka sailen egitura organikoa onartzeko eskumena. Horrenbestez, dekretu honen bidez Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da.

Dekretu hau izapidetzeko, bete egin dira maiatzaren 23ko 29/2017 Foru Dekretuaren I. eranskinaren 3. artikuluan jasotako araupetze onaren printzipioak. Foru dekretu horrek hauek onartzen ditu: izaera orokorreko xedapenak egiteko prozedura, araupetze eta genero eraginaren txostenak egiteko gidak eta araugintza teknikarako jarraibideak. Hala, aurrekarietan gaia arautu beharra dagoela justifikatu da; gainera, araubide jarduketa neurrikoa da, gutxienez baina ez baitu jorratzen helburuak lortzeko: Bide Azpiegituren eta Mugikortasunaren Sailean zuzendaritza bat sortzea eta aurrerantzean egongo diren bi zuzendaritza unitateen egitekoak zehaztea.

Halaber, segurtasun juridikoaren printzipioa bermatzen da, nahikoa justifikatuta gelditzen delako ordenamendu juridikoan sartzen dela eta hura ematen duen organoa gaituta dagoela.

Gardentasun printzipioari dagokionez, ez da urratu; izan ere, edukia antolamenduari baino ez dagokionez, posible da jendaurrean jartzeko izapidea ez gauzatzea. Edonola ere, onartu bezain laster ALHAOn argitaratzeko aginduko da.

Efizientzia printzipioari dagokionez, proposatutako arautzea, duen izaera dela-eta, ez dakarke herritarrei ez administrazio karga osagarririk, ez premiazkoa ez denik.

Horregatik guztiagatik, Bide Azpiegituren eta Mugikortasunaren Saileko foru diputatuak proposatuta eta Diputatuen Kontseiluak gaurko bilkuran gaia aztertu ondoren, hauxe

#### XEDATZEN DUT:

Lehenengoa. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 1. artikulua, hain zuzen, eta honela gelditzen da:

### 1. artikulua. Jardun arloak

1. Diputatu Nagusiaren uztailaren 5eko 324/2019 Foru Dekretuak, 2019-2023 agintaldirako Arabako Foru Aldundiaren sailak zehazten dituenak, xedatzen duenaren arabera, Bide Azpiegituren eta Mugikortasunaren Sailak eginkizun eta eskumen arlo hauek dauzka:

- Errepideak: plangintza, proiektuak, eraikuntza, zaintza eta ustiapena.
- Desjabetzeak.
- Mugikortasuna eta garraioak.
- Ordenamendu juridikoak ezartzen dituen gainerako guztiak.

2. Bide Azpiegituren eta Mugikortasunaren Sailari atxikitzen zaio Arabako Bideak-Vías de Álava SA foru sozietate publikoa.

Bigarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 2. artikulua, hain zuzen, eta honela gelditzen da:

### 2. artikulua. Egitura

Aurreko artikuluan adierazten diren jardun arloetako eginkizunak gauzatzeko eta eskumenak betearazteko, Bide Azpiegituren eta Mugikortasunaren Sailaren egituraren organo unitate hauek daude, eta denak saileko titularra den foru diputatuaren zuzendaritzapean egongo dira, honekin batera doan organigramaren arabera:

1. Bide Azpiegituren Zuzendaritza; honi atxikita daude:

a) Errepide Zerbitzua.

- Errepideak Hobetzeko Atala.
- Bide Segurtasun eta Ustiatze Atala.
- Topografia Atala.
- Bidezaintza Atala.

b) Bide Azpiegituren eta Mugikortasunaren Idazkaritza Teknikoko Zerbitzua.

- Bide Azpiegituren eta Mugikortasunaren Bulegoa.

c) Lege eta Administrazio Zerbitzua.

- Desjabetze Atala.

2. Mugikortasun eta Garraio Zuzendaritza.

a) Mugikortasun eta Garraio Zerbitzua.

- Ikuskatzaitzako eta Baimenen Kudeaketako Atala.

Hirugarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 3. artikulua, hain zuzen, eta honela gelditzen da:

### 3. artikulua. Atxikipenak

Hona hemen Bide Azpiegituren eta Mugikortasunaren Sailari atxikita dauden erakundeak eta sozietate publikoak, bakoitza Erakundearen Erregistroan daukan identifikazio zenbakiarekin:

ERAKUNDE ZK.	IZENA
181	Arabako Bideak-Vías de Álava S. A.
179	Arabako Garraio Arbitrajerako Batzordea.

Laugarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 5. artikulua, hain zuzen, eta honela gelditzen da:

#### **5. artikulua. Zuzendarien eginkizun orokorrak**

Zuzendariei dagokie 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, 75. artikuluan ezartzen dituen eginkizunak burutzea.

Bosgarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 7. artikulua, hain zuzen, eta honela gelditzen da:

#### **7. artikulua. Kontratazio mahaia**

Bide Azpiegituren eta Mugikortasunaren Sailean kontratazio mahai iraunkorra egongo da, eta sailak prozedura irekian, negoziatuan zein murriztuan egiten dituen kontratu guztietan ariko da, bere eskumenei lotuta.

Kontratazio mahian kide hauek ariko dira:

Mahaikidea: Bide Azpiegituren zuzendaria edo berak eskuordetzen duen pertsona.

Idazkaria: Bide Azpiegituren eta Mugikortasunaren Bulegoko burua edo berak eskuordetzen duen pertsona.

Mahaikidea: Bide Azpiegituren eta Mugikortasunaren Idazkaritza Teknikoko Zerbitzuko burua edo berak eskuordetzen duen pertsona.

Mahaikidea: Kontratazioa proposatzen duen zerbitzuko burua edo berak eskuordetzen duen pertsona.

Bi mahaikide, kontratazio organoaren lege aholkularitza eta kontu-hartzaitza bere gain dituzten administrazio unitateek izendatuak.

Seigarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, II. kapitulua, hain zuzen, eta honela gelditzen da:

## **II. KAPITULUA**

### **BIDE AZPIEGITUREN ZUZENDARITZAREN ESKUMENAK**

Zazpigarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena, aldatzen da, 8. artikulua, hain zuzen, eta honela gelditzen da:

#### **8. artikulua. Bide Azpiegituren Zuzendaritza**

1. Bide Azpiegituren zuzendariari dagokio abenduaren 18ko 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, 75. artikuluan eta kidekoetan zuzendariei esleitzen zaizkien eskumen orokorrak erabiltzea, bai eta sail horri dagokion eginkizunen eta jardun arloen esparruan arautegiak egozten dizkion beste guztiak ere, aurreko 5. artikuluan ezartzen diren bezala.

2. Gainera, Bide Azpiegituren zuzendariak eskumen zehatz hauek ere badauzka:

- a) Bide sarearen plangintza orokorra.
- b) Bizikleta bideen sarearen plangintza orokorra, Foru Aldundiko sailekin koordinatuta.
- c) Foru Aldundiaren errepide sarea hobetzea, modernizatzea, zaintzea eta ustiatzea.

d) Foru Aldundiak egiten dituen azpiegituretarako behar diren ondasunak eta eskubideak eskuratzea desjabetze prozeduraren bitartez.

e) Neguko bidezaintza plana koordinatzea eta planifikatzea urtero.

f) Beste bide azpiegitura batzuen sozietate kudeatzaileak koordinatzea Arabako Lurralde Historikoan.

g) Aldundiko beste sail batzuen eta erakunde publikoen arteko harremanak koordinatzea.

Hori guztia dekretu honen arabera zuzendariak dauzkan eskumenen arabera egin behar du.

3. Gainera, Bide Azpiegituren zuzendariak eskumen zehatz hauek ere badauzka, Bide Azpiegituren eta Mugikortasunaren Saileko foru diputatuaren eginkizunen deskontzentrazioa dela bide:

– Errepide poliziako baimenak ematea, bai eta baimendu gabeko erabilerak eteteko aginduak ere, aplikatu beharreko legeriak ezartzen duenarekin bat etorri.

Zortzigarrena. Diputatuen Kontseiluaren otsailaren 9ko 15/2016 Foru Dekretuari, Bide Azpiegituren eta Mugikortasunaren Sailaren egitura organikoa eta funtzionala onartzen duenari, 18. artikulua ondoren III. KAPITULUA gehitzea, izenburu honekin: MUGIKORTASUN ETA GARRAIO ZUZENDARITZA.

Bederatzi. Diputatuen Kontseiluaren otsailaren 9ko 15/2016 Foru Dekretuari, Bide Azpiegituren eta Mugikortasunaren Sailaren egitura organikoa eta funtzionala onartzen duenari, 18 bis artikulua gehitzea III. KAPITULUAN; hona testua:

#### **18 bis artikulua**

1. Mugikortasun eta Garraio zuzendariari dagokio abenduaren 18ko 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, 75. artikulua eta kidekoetan zuzendariei esleitzen zaizkien eskumen orokorrak erabiltzea, bai eta sail horri dagozkion eginkizunen eta jardun arloen esparruan arautegiak egozten dizkion beste guztiak ere, aurreko 5. artikuluan ezartzen diren bezala.

2. Gainera, Mugikortasun eta Garraio zuzendariak eskumen zehatz hauek ere badauzka:

a) Kohesio soziala eta lurralde oreka ekarriko dituen mugikortasun politika bermatzea.

b) Garraio arloko politika zuzendu, ezarri, planifikatu, koordinatu, jarraitu eta kudeatzea, zuzentzarauak ezarri. Zuzentzari horien arabera, foru eskumenak burutuko dira errepide garraioaren arloan.

c) Garraio bide guztiak koordinatzea eta garraiorako erabilitako azpiegiturek sustatzea.

d) Garraio lineako zerbitzu publikoaren kudeaketa kontratuen zuzendaritza gainbegiratzea.

e) Garraioaren arloko sozietate kudeatzaileak koordinatzea Arabako Lurralde Historikoan.

f) Aldundiko beste sail batzuen eta erakunde publikoen arteko harremanak koordinatzea.

Hori guztia dekretu honen arabera zuzendariak dauzkan eskumenen arabera egin behar du.

3. Gainera, Mugikortasun eta Garraio zuzendariak eskumen zehatz hauek ere badauzka, Bide Azpiegituren eta Mugikortasunaren Saileko foru diputatuaren eginkizunen deskontzentrazioa dela bide:

– Honako garraio mota hauetarako baimenak ematea, deuseztatzea, ikusonestea, etetea eta birgaitzea: salgaiak garraiatzeko garraio pribatu osagarria, salgaiak garraiatzeko garraio publikoa, bidaiariak garraiatzeko garraio publikoa eta eskatu ahalakoa, eta garraioaren jardura osagarriak.

– Erabilera bereziko garraio erregularrerako (eskolaumeak eta langileak) baimenak eta gehiegizko pisu eta neurrien ziozko garraio bereziko baimenak ematea.

– Baimenak ematea zentro homologatuei gidariak prestatzeko ikastaroak emateko, Gidarien Gaitasun Agiria lortzeko, eta prestakuntza ikastaroak homologatzea; Gidarien Gaitasun Agiria lortzeko azterketen deialdiak egitea eta emaitzak argitaratzea.

– Errepideko garraio arloan zehapenak ezartzeko ahala erabiltzea: zehapen espedienteak hastea eta ebaztea.

Hamargarrena. Diputatuen Kontseiluaren otsailaren 9ko 15/2016 Foru Dekretua, Bide Azpiegituren eta Mugikortasunaren Sailaren egitura organikoa eta funtzionala onartzen duena: 18. eta 19. artikulua III. KAPITULUAN sartzea.

#### AZKEN XEDAPENA

Dekretu hau onartu eta hurrengo egunetik aurrera egongo da indarrean, ALHAOn noiz argitaratzen den gorabehera.

Vitoria-Gasteiz, 2019ko abuztuaren 2a

*Diputatu nagusia*

*RAMIRO GONZÁLEZ SAN VICENTE*

*Bide Azpiegituren eta Mugikortasunaren Saileko foru diputatua*

*JAVIER HURTADO DOMINGUEZ*